



REPUBLICA E KOSOVËS - REPUBLIKA KOSOVO
KOMUNA E VUSHTRRISË-OPËSTINA VUÇITRN

02 Nr. / Br 222/24

Nr. i fq. / Br. st -04-

Data: / Datum 07.03.2024

VUSHTRRI - VUÇITRN



KOMUNA VUSHTRRI

MARRËVESHJE MIRËKUPTIMI
PËR TRAJTIMIN E QENVE ENDACAK NË KOMUNËN E VUSHTRRISË

Palët Nënshkruese:

- Komuna e Vushtrrisë përfaqësuar nga **z. Ferit Idrizi**, Kryetar i Komunës (referuar si Komuna)
 - Fondacioni StrayCoCo / Stiftung Steinbüelweg 8, CH-8332 Russikon nga Zvicra, përfaqësuar nga **Znj. Helen Wormser** (referuar si fondacioni)
-

Neni 1
Qëllimi

Qëllimi i lidhjes së kësaj marrëveshje është realizimi i projektit për trajtimin human të qenve endacak në territorin e Komunës së Vushtrrisë e që për impakt do të ketë zvogëlimin e numrit të tyre, me qëllim të evitimit të rreziqeve të shëndetit dhe jetës së qytetarëve. Me këtë projekt gjithashtu arrihet qëllimi i parandalimit të përhapjes së sëmundjeve infektive zoonozave, tërbimit me anë të vaksinimit dhe ekinokokoze me tableta.

Neni 2
Financimi i Projektit

Komuna e Vushtrrisë dhe Fondacioni StrayCoCo / Stiftung Steinbwelweg dakordohen që të bashkë financojnë realizimin e këtij projekti në mënyrën dhe kushtet e përcaktuara në këtë marrëveshje.

Neni 3
Kohëzgjatja e Marrëveshjes

Marrëveshja lidhet në afat kohorë, nga dita e nënshkrimit deri më 24.12.2024.

Neni 4

Lokacioni dhe trajtimi

Trajtimi i qenve endacak sipas kësaj marrëveshje bëhet në territorin e Komunës së Vushtrrisë nga stafi profesionit i veterinarisë i Ambulancës Veterinare të cilën e përzgjedhë Fondacioni StrayCoCo / Stiftung Steinbwelweg.

Neni 5

Obligimet e Përbashkëta të Palëve

5.1 Komuna e Vushtrrisë dhe Fondacioni StrayCoCo do ti mbulojnë shpenzimet e trajtimit veterinar, përfshirë kastrimin/ sterilizimin për 400 qenë endacak, brenda afatit të përcaktuar në nenin 3 të kësaj marrëveshje. Në kuadër të këtij numri të qenve të trajtuar përfshihen edhe rastet e eutanazisë.

5.2 Në rastet kur qentë që janë trajtuar nga Straycoco merren nga komuna ose kompanitë tjera dhe futen në strehimore të tyre, Stray coco mund të ndërmer hapa për ndërprerje të njëanshme të kësaj marrëveshje.

Neni 6

Obligimet e Komunës së Vushtrrisë

6.1 Komuna e Vushtrrisë do të participoj nga buxheti i saj për shërbimet veterinarë që do të kryhen për qenë endacak, në bazë të çmimeve të përcaktuar në nenin 8 të kësaj marrëveshje.

6.2 Komuna e Vushtrrisë do të i inkurajojë qytetarët, pronarët e qenve që nuk kanë mundësi pagese për një konsultë veterinarë për ti sjellë qentë e tyre, veçanërisht qentë femra, në Ambulancën Veterinarë të cilën e përzgjedhë Fondacioni StrayCoCo / Stiftung Steinbwelweg, për sterilizim, vaksinim dhe dhënien e tabletave antiparazit falas nga Fondacioni.

6.3 Komuna e Vushtrrisë do të organizojë fushatë informuese të qytetarëve në lidhje me programin e Sterilizimit dhe kastrimit në vazhdim.

Neni 7

Obligimet e Fondacioni StrayCoCo / Stiftung Steinbwelweg

Fondacioni StrayCoCo / Stiftung Steinbwelweg merr për obligim që nga stafi veterinar i Ambulancës Veterinarë të cilën e përzgjedhë, të i kryej këto shërbime veterinarë:

- 7.1 Kapjen e qenve endacakë
- 7.2 Trajtimin (kontroll, ushqim, vaksinim, dehelmentizim, identifikim, matrikul)
- 7.3 Kastrimi/sterilizim
- 7.4 Hospitalizimi (3 ditë tek meshkujt dhe 5 ditë tek femrat)
- 7.5 Vaksinimi i qenve me dy Vaksina, vaksinë polivalente dhe vaksinë kundër Tërbimit (rabies)
- 7.6 Tableta antiparazit për 400 qenë
- 7.7 Lëshimi në vendin e kapjes
- 7.8 Eutanazia për qentë e sëmurë dhe agresive (kryerja e procesit të eutanazisë),
- 7.9 Ambulanca Veterinarë që e përzgjedhë fondacioni, kontrollon dhe monitoron çdo qen endacak i cili duhet të ketë të dukshëm matrikulën në vesh që është i identifikuar dhe regjistruar se qeni është sterilizuar dhe vaksinuar dhe trajtuar siç duhet.

7.10 Çdo qen regjistrohet në një regjistër së bashku me një fotografi me matkulë në vesh, me numër të dukshëm. Ky Regjistër i kontrollit rregullisht do të ju prezantohet fondacionit StrayCoCo dhe Komunës.

Neni 8

Kostoja financiare – çmimet e trajtimit

- 8.1 Në realizimin e këtij projekti Fondacioni Straycoco merr pjesë me mjete financiare prej 54 % ndërsa Komuna e Vushtrrisë me 46 %.
- 8.2 Kostoja për këtë trajtim për secilin qenë është 60.00 € (gjashtëdhjetë euro). Fondacioni StrayCoCo do të mbulojë koston për 33.00 € (tridhjetë euro) dhe pjesa tjetër prej 27.00 € (njëzetë e shtatë) euro do të mbulohet nga Komuna e Vushtrrisë.
- 8.3 Për rastet e Eutanazisë do të paguhet 10 euro nga komuna dhe pjesa tjetër prej 10 euro nga fondacioni Straycoco.
- 8.4 Përshkrimi dhe çmimet për shërbimet veterinarë që do të kryhen paraqitur në formë tabelare:

Nr.	Përshkrimi i shërbimit veterinar	Njësia	Çmimet	Pagesa kryhet nga:
1	Zënia/kapja e qenve endacak dhe vlersimi për gjendjen shëndetësore .	Krerë/copë	10.00€	Komuna
2	Kastrimi/Sterilizimi i qenve endacak.	Krerë/copë	33.00€	Fondacioni StrayCoCo
3	Trajtimi (kontroll,ushqim) identifikim i qenve endacak-matrikuj, vaksinim Hospitalizim (3 ditë meshkujve dhe 5 dite femrave) dhe Lëshimi i qenve endacak në vendin e zënies-kapjes.	Krerë/copë	17.00€	Komuna
4	Total		60.00€	./...

- 8.5 StrayCoCo zotohet se qentë me lëndime trupore si: këmbë të thyera, plagë ose me zgjebe, do të trajtohen, do të hospitalizohen deri në shërimin e tyre. Shpenzimet për trajtim dhe hospitalizimin e këtyre rasteve i mbulon fondacioni StrayCoco.

Neni 9

Pagesa për shërbimet e kryera

- 9.1 Komuna do të kryej pagesat për shërbimet veterinarë të kryera sipas kësaj marrëveshje në baza tre mujore, pas dorëzimit të faturës bashkë me raportin me shkrim të nënshkruar nga menaxheri/mbikëqyrësi i komunës.
- 9.2 Pagesat do të realizohen nga buxheti i Drejtorisë Komunale për Bujqësi.

Neni 10

Ndryshimet dhe ndërprerja e marrëveshjes së mirëkuptimit

- 10.1 Me pëlqimin paraprak të palëve nënshkruese kjo Marrëveshje e Mirëkuptimit mund të ndryshohet dhe plotësohet.
- 10.2 Komuna mban të drejtën e ndërprerjes së pagesës së shërbimeve për këtë destinim në rast se konstaton se fondacioni StrayCoCo nuk i përmbushë obligimet e veta nga kjo marrëveshje.

Neni 11
Mbikëqyrja e Zbatimit të Marrëveshjes

Mbikëqyrjen e zbatimit të kësaj marrëveshje nga komuna do ta bëjë një zyrtar i komunës i cili do të caktohet me vendim të Kryetarit të Komunës, ndërsa nga pala tjetër përfaqësuesi caktuar prej saj.

Neni 12
Zgjidhja e mosmarrëveshjeve

Palët pajtohen që mosmarrëveshjet eventuale të i zgjidhin me mirëkuptim, të kundërtën çështja do të kalohet në Gjykatën kompetente.

Neni 13
Përdorimi i gjuhëve

Kjo marrëveshje është përpiluar në gjuhën Shqipe dhe gjuhën Angleze. Në rast të interpretimeve të ndryshme në ndonjë dispozitë të kësaj marrëveshje, gjuha shqipe do të mbizotëroj.

Neni 14
Numri i ekzemplarëve

Marrëveshja e mirëkuptimit është përpiluar dhe nënshkruar në tre (3) ekzemplar identik në origjinal, prej të cilëve dy (2) për komunën dhe një (1) për palën tjetër nënshkruese. Marrëveshja përmban 15 nene në katër (4) faqe A/4.

Neni 15
Hyrja në fuqi

Kjo marrëveshje të hyj në fuqi në ditën e nënshkrimit.



Komuna Vushtri

Z. Ferit Idrizi, Kryetar

Datë 07/03/2024

Fondacioni StrayCoCo / Stiftung Steinbüelweg

Dr. Helen Wormser

Datë 15.1.03/2024